

Signering av 250624 Valle Sparebank redegjørelse iht åpenhetsloven.docx

Dette dokumentet er signert digitalt av:

Elisabeth Slettedal	25.06.2025	med Norsk BankID
Elisabeth Amstrup Spokeli	25.06.2025	med Norsk BankID
Kent Michael Lund	25.06.2025	med Norsk BankID
Knut Inge Hovet	25.06.2025	med Norsk BankID
Anne Gjerden	26.06.2025	med Norsk BankID
Tor Arild Rysstad	25.06.2025	med Norsk BankID



Signert elektronisk med styreplan.no. Sjå vedlegg i denne PDF-filen for meir dokumentasjon.



Redegjørelse etter openheitslova 2024



Redegjørelse for aktsemdsvurdering etter openheitslova

for perioden 1. januar – 31. desember 2024.

Organisering, produkter og marked

Valle Sparebank – etablert i 1866, er ein frittstående og sjølvstendig sparebank i Valle kommune i Agder. Hovudkontoret ligg i Valle og banken har to avdelingskontor, eit i Markensgate 2a i Kristiansand og eit på Hunsøya Næringspark i Vennesla.

Valle Sparebank driv i dag i hovudsak ei tradisjonell moderne bankverksemd, med eit fullverdig tilbod til privat- og bedriftskundar. Banken er stolt av si historie, og opptatt av å bidra til berekraftig vekst og utvikling av lokalsamfunnet.

Pr. 31.12.2024 var det 20 fast tilsette i banken, 5 menn og 15 kvinner, administrerande banksjef Elisabeth Slettedal leiar banken. Styret til banken leiar bankens verksemd etter lovar, forskrifter og vedtak frå bankens generalforsamling. Styret består av 5 medlemmer, og veljast av generalforsamlinga. Styrets leiar er Anne Gjerden. Bankens generalforsamling er bankens høgste organ, det er 18 medlemmer i generalforsamlinga. Valle Sparebank si generalforsamling leiast av Knut Hagen.

Valle Sparebank er aksjonær i Eika-Gruppen AS. Eika Alliansen består av rundt 47 lokalbankar i Noreg, Eika Gruppen AS og Eika Boligkreditt AS. Eika Alliansen er ein av Noregs største finansgrupperingar, med samla forvaltningskapital på om lag 550 milliardar kroner. Valle Sparebank er på den måten del av eit strategisk samarbeid der Eika Gruppen si kjerneverksemd er å sikre at lokalbankane har moderne og effektive bankdrift gjennom gode og effektive produkt- og tenesteleveransar, inkludert å foreta anskaffingar på vegne av bankane. Produktselskapa i Eika Gruppen - Eika Forsikring, Eika Kredittbank og Eika Kapitalforvaltning - leverer til bankane et bredt spekter av finansielle produkt, kommersielle løysningar og kompetansehevande tenester.

Valle Sparebank driv i hovudsak ei tradisjonell moderne bankverksemd, med eit fullverdig tilbod til privat- og bedriftskundar, m.a. betalingsformidling, sparing, lån og kredittar, banken kan også tilby dei fleste finansielle produkt så som forsikring, aksjehandel, fondsprodukt og leasing.

Banken si primære kundegruppe er personkundar, og då særleg i Setesdal, Vennesla og Kristiansands-regionen. Sjølv om mange kundar bur utanfor Setesdal, er dette ofte kundar med ei eller anna knyting til Valle eller Setesdal. I tillegg til personmarknaden representerer det lokale næringslivet, offentleg sektor og lag og organisasjonar i øvre Setesdal viktige kundegrupper for banken.

Forankring av arbeid med menneskerettigheter og anstendige arbeidsforhold

Valle Sparebank legg til grunn ei sosial ansvarleg forretningsdrift. Omsynet til samfunnsansvaret er innarbeidd i overordna retningslinjer under konkrete emne som etikk, antikvitvasking, helse, miljø og sikkerheit. Openheitslova trådde i kraft 1. juli 2022. Lova skal fremme verksemdas respekt for grunnleggande menneskerettigheter og anstendige arbeidsforhold, og sikre ålmenta tilgang til informasjonen. Dette er eit arbeid som er forankra i bankens styre, og ansvaret og etterlevinga av openheitslova har styret plassert i banken si leiing.

Banken har i 2024 oppdatert og styrehandsama:

- etiske retningslinjer
- retningslinjer for utkontraktering
- retningslinjer for kritikkverdige forhold
- skjema for kritikkverdige forhold
- retningslinjer for handtering av interessekonflikter

Valle Sparebank vart omfatta av openheitslova i 2022, og leverte fyrste redgjørelse i 2023.

Eika Gruppen gjennomfører fleire større anskaffingar på vegne av blant anna Valle Sparebank. Styret i Eika Gruppen har vedteke policy for anskaffingar og utkontraktering samt oppdatert policy for berekraft med krav om aktsemdsvurdering av avtaler inngått av Eika Gruppen. Dette gjelder også for avtaler som Eika Gruppen inngår på vegne av bankane.

Det følger av forarbeida til lova at verksemdar vil kunne samarbeide om utføringa av aktsemdsvurdering. (Prop. 150 L 2020-2021 pkt. 8.2.3.3. side 67).

Valle Sparebank vurderer at Eika Gruppens aktsemdsvurdering er av god kvalitet.

Varslingskanalar

Valle Sparebank har utvikla eit godt samarbeid mellom leiing og tillitsvalte. Valle Sparebank har ein klar varslingskanal for kritikkverdige forhold. På bankens intranett er det publisert to dokumenter som varetek dette:

- Retningslinjer for varsling av kritikkverdige forhold.
- Skjema for varsling av kritikkverdige forhold.

Utdrag frå retningslinjer for varsling av kritikkverdige forhold:

«Banken ønsker ein bedriftskultur der kritikkverdige forhold tas opp, diskuterast og løysast. Varsling er med på å bygge oppunder ein open kultur, kor det er tillit og dialog mellom tilsette og leiarar. Det skal derfor leggjast til rette for at tilsette melder frå om kritikkverdige forhold, slik at banken kan oppretthalde sin etiske standard».

Valle Sparebank varetek også personvern, personvern er ei menneskerettigheit. Informasjon rundt bankens ivaretaking av personvern er tilgjengeleg på bankens nettside.

For meir informasjon rundt bankens praktisering av personvern, sjå her:

<https://www.valle-sparebank.no/samtykke>

Spørsmål kring personvern kan rettast til:

post@valle-sparebank.no

Negative konsekvensar og risiko

Internt

Valle Sparebank jobbar planmessig med aktsemdvurderinga knytt til arbeidsmiljøet i verksemda. Banken har verneombod som gjennomfører vernerunde i bankens lokalar og det gjennomførast regelmessige medarbeidarundersøkingar. Det er ikkje registrert varslar om kritikkverdige forhold i verksemda i løpet av 2024. Oppsummera er det ikkje avdekka negative forhold som har interne konsekvensar.

Leverandørar og forretningspartnarar

Valle Sparebank er ein liten lokal sparebank, noko av samfunnsansvaret til banken er å vere bidragsytar til lokal verdiskaping. Banken har dermed god kjennskap til leverandørane, og dei skal etterleve nasjonale- og internasjonale lovar og reglar knytt til menneske- og arbeidstakarrettigheiter, miljø, korrupsjon, og antikvitvaskings reglar skal overhaldast.

Leiinga i banken har gjennomgått og aktsemdsvurdert leverandørar, men har ikkje avdekka negative forhold som vil ha konsekvensar.

Tiltak og vegen vidare

Valle Sparebank vil ved funn av forhøgd risiko for brot vurdere si påverknadskraft og kunne gå i dialog med leverandør for å sjå på mogelege tiltak for å redusere risiko. Valle Sparebank vil vidare arbeide med tilbakemeldingar frå nye og eksisterande leverandørar slik at det løpande arbeidet med aktsemdsvurderingar blir styrkt.

Redegjørelsen vart handsama, og vedtatt i Valle Sparebank sitt styre 24. juni 2025

Valle 24. juni 2025

Anne Gjerden (s)
Styreleiar

Knut Inge Hovet (s)
Nestleiar

Elisabeth B. Spockeli (s)

Kent M. Lund (s)

Tor Arild Rysstad (s)

Elisabeth Slettedal
Adm. banksjef